

Delicta majorum immeritus lues
Romane, donec templa refeceris,
Ædesque labentes Deorum, &
Æda nigro simulacra fumo.

Æcunda culpa sæcula nuptias
Primum inquinavere & genus & domos.
Hoc fonte derivata clades
In Patriam populumque fluxit.

Motus doceri gaudet Ionicos
Matura virgo, & fingitur artibus
Jam nunc, & incestos amores
De tenero meditatur ungue.

Mox juniores quærit adulteros
Inter mariti vina: neque eligit,
Cui donet impermissa raptim
Gaudia, luminibus remotis:

Sed jussu coram non sine conscio
Surgit marito, seu vocat inflitor,
Seu navis Hispanæ magister,
Dedecorum pretiosus emptor.